

# Königlicher May. Neue

## Von den Extraordinari oder Schriftlichen verhör- sachen.

**D**ieweil hiechen jm eingang diser Ordnung / von vnnder-  
schaid der Clagen / welliche jm ordennlichen oder Sum-  
mari Rechten / fürbracht vnd gehandlt werden sollen / meldung  
gethan / Vnd damit nun sollicher vnnderschaid / den vnwissenden  
pas vnd mehr erleutert / vnd aller misverstand hierinnen verhüet  
pleibe. So wollen wir hiemit dise vnnderschiedliche erklarung ge-  
geben haben / Nämlich / die Clagen vnd Sachen so betreffen schul-  
den / Guält / arme leuit die das ordenlich Rechten züberlegen vinstat-  
hafft sein / Item depositum oder vertrawte behaltnuß / alimenta / ges-  
fangthnissen / personas miserabiles / arme Pupilln vnd wittiben /  
in Sonnde hait jerer der wittiben vermächt vnd absertigung (wo  
gleich dieselben witterben sonst nit arm sein) Edict oder Crida han-  
dlungen / Execution sachen / Lidlohn / Auflennder (wo Augen-  
scheinlich das sy dem ordenlichen Rechten on jr verderben mit auf-  
wartten mögen) Gerhabsschafft sachen / vnd derselben Raitun-  
gen / Item schlecht Ringschätzg Sachen die souil / das sy ordenlich  
berechnet werden solten / nit antreffen / vnd sonnst all annder der  
gleichen Sachen vnd Handlungen die von Rechts oder gewon-  
hait wegen bis anher für Summari gehalten vnd gehandlt / Sol-  
len Extraordinarie oder in Schriftlichen verhör / zehandln  
zugelassen werden. Sollicher jetztgemelter Sum-  
mari Preces hat auch statt / wann die Partheyen  
selbs guetwillig darein bewilligen / oder Still  
schweigund von dem ordenlichen Rechten  
weichen / vnd rmb desto schleinigern  
abhandlung vnd erörterung wils  
len der sachen / Summatie  
hanndlun vnd verfa-  
ren wellen.

Von